



Societas Iesv Amatrix, Cultrix, Imitatrix, Christi Crvcifixi

Sandaeus, Maximilianus

Antverpiae, 1647

92. Plantat apud infideles Crucem, tanquam lignum vitæ incorruptibile,
semper viride, vegetum, germinans, Cosmus Turrianus, Castellanus.

Nutzungsbedingungen

[urn:nbn:de:hbz:466:1-55449](#)

154 SOCIETAS IESV

,,conjunctione, quæ Passus est dulcis-
,,simus Redemptor meus JESVS, unà
,,cum meritis omnium, qui in lege na-
,,turæ, & in lege Moysis, & in lege
,,Gratia divinæ Majestati tuæ accepti
,,fuerunt, sunt, vel erunt, gratiores, ut
,,spero, futuras.

Post hæc veniam impertiit adversa-
riis. Mox carro subducto, in quo pro-
more consistebat, laqueo fauces com-
primente, spiritum in terra desit duce-
re, quem ipsi in cælos, ut fas est credere,
deducere certabant Angeli. Passus est
Londini Anno salutis M. DC. XLII. De-
cemb. XXII. ætatis suæ anno XLII, post
quam annos duodeviginti, septemque
menses in Societate JESV sanctè vixisset.

*Libellus continens certamen triplex trium Sacer-
dotum Ang'orum è Societate JESV, impressus Ant-
verpiæ Anno 1645.*

II.

AMATOR CRVCIFIXI

*Plantat apud infideles Crucem tanquam
lignum vitæ incorruptibile, semper
viride, vegetum, germinans.*

92.
COSMVS
TVRRIA-
NVS Castel-
lanus.

C OSMVS TVRRIANVS Hispanus,
dum per Oceani blanda discrimi-
na sequeretur multo inferiora tot æ-
rumnis & mortibus præmia, optimæ
suæ sortis ignarus ad Apostolici gra-
dus excelsitatem ductus fuit à DEO,
aspectu

IMITATRIX CRUCIFIXI. 155

aspectu primum, cum colloquio, & conversatione domestica cum Francisco Xaverio Japoniae Apostolo, à quo instructus Cosmus, eam pectore concepit flammatum, ut animo sese totum ad mansura, æternaque animarum lucra transtulerit. Is deinde multa hominum millia, ac, inter eos Bonzios non paucos, aliosque nobiles errorem Gentilium dedoctos in CHRISTI ovile coegit.

AT, ut non esset sine imitatione CRUCIFIXI, cuius erat Amator insignis, multa, graviaque perpessus est, à Bonziis potissimum excitata tempestate: ab irata plebe probris & contumeliis affectus, & ad cædem quæsitus, quam non evitasset, nisi D^rvs mirabiliter illum eripuisset.

Melchior Nunnius Indiae Provincialis, cum in Japoniam appulsus, Cosnum conyenisset, ajebat, videri sibi ex antiquis illis Ægypti Patribus unum, nisi quod non contemplatione Divinorum duntaxat rerum, sed etiam subeundis, proximorum causâ, negotiis occuparetur.

Obseruatum autem est, atque in prodigiis numeratum, ab hoc CRUCIFIXI AMATORE CRUCEM ligneam in Omuræ finibus, sub Annū Domini M. D. LXXI. collocatam, cæteris, quæ hujus

imitatione , ab aliis excitatæ sunt plurimæ , injuriis temporum putrefactis , nihil vitii , aut labis accepisse , & complures Annos integrum ad veneracionem publicè stetisse , & præsentem adorantibus opem non uno in morbo , tanquam LIGNVM plantatum , secus decursum aquæ viventis , & salutaris perstittiisse.

HOC LIGNO ejusque fructus , haud dubiè reficiebatur , cùm totis sex annis , quibus Amanguccii fuit nec carnes gustaret , nec panem , nec vinum , nec oleum , nec lac , aut quicquam lacte confectum , nec recentem piscem ullum ; sed orizam tostam , pisces salsos , & herbas , idque inter incredibiles ærumnas , & persequitiones , CRUCIFIXI cauſâ toleratas , ad quem tandem latus evolavit . v. Nonas Octob . Anno M . D . LXX . ætatis circiter LX . à Societatis ingressu XXII .

Nicolaus Orlandinus Histor . Societ . p . 1 . lib . 6 . num . 204 . lib . 9 . 11 . 12 . 15 . Franciscus Sacchinius Hist . Societ . p . 2 . lib . 1 . 5 . 6 . 7 . Epist . 10 . pm . B . S .